

ხელშეკრულება N51
სახელმწიფო შესყიდვის შესახებ
(დაფინანსების წყარო: 2022 წ. აფხაზეთის ავტონომიური რესპუბლიკის ბიუჯეტი
პროგრამა 18 07 23/03)

ქ. თბილისი

22 ივნისი 2022 წ

ერთის მხრივ, სსიპ „ეკონომიკური პროგრამების სააგენტო“ წარმოდგენილი მისი თავმჯდომარის მოადგილის ლევან გუჯეჯიანის სახით (შემდგომში „შემსყიდველი“) და მეორე მხრივ, შპს „როქის“ (შემდგომში „მიმწოდებელი“) წარმოდგენილი მისი დირექტორის დავით ბოსტაშვილის სახით, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ჟ“ ქვეპუნქტის, სახელმწიფო შესყიდვების სააგენტოს 2017 წლის 14 ივნისის №12 ბრძანებით დამტკიცებული „ელექტრონული ტენდერის ჩატარების წესის“ მოთხოვნათა შესაბამისად და შემსყიდველის მიერ გამოცხადებული აუქციონის გარეშე ელექტრონული ტენდერის (NAT220010426) ჩატარების საფუძველზე ვდებთ სახელმწიფო შესყიდვის შესახებ ხელშეკრულებას შემდეგზე:

1. ტერმინთა განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „შემსყიდველი ორგანიზაცია“ (შემდგომში - „შემსყიდველი“) - ორგანიზაცია, რომელიც „სახელმწიფო შესყიდვების შესახებ“ საქართველოს კანონით განსაზღვრული თანხებით ახორციელებს სახელმწიფო შესყიდვას.
- 1.2. „მიმწოდებელი“ - პირი, რომელიც ახორციელებს საქონლის მიწოდებას ამ ხელშეკრულების ფარგლებში.
- 1.3. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, მასზე თანდართული ყველა დოკუმენტით (დანართი N1 და დანართი N2);
- 1.4. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.5. „დღე“, „კვირა“, „თვე“ - კალენდარული დღე, კვირა, თვე.

2. ხელშეკრულების საგანი

- 2.1 ხელშეკრულების საგანს წარმოადგენს შემსყიდველი ორგანიზაციის მიერ ვეტერეპარატების შესყიდვა, ტრანსპორტირების გათვალისწინებით. დანართი N1 და დანართი N2 ის შესაბამისად CPV33651690-ვაქცინები ვეტერინარული მედიცინისთვის.

3. ხელშეკრულების ღირებულება

- 3.1 ხელშეკრულების ღირებულება შეადგენს 19000,00 (ცხრამეტიათასი ლარი და 00 თეთრი) ლარს. ხელშეკრულების ღირებულება მოიცავს, როგორც საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს და გადასახდელებს, დღგ-ს გათვალისწინებით.

4. საქონლის მიწოდების ვადა და ადგილი

- 4.1. შესასყიდი საქონლის მიწოდებას მიმწოდებელი განახორციელებს ხელშეკრულების გაფორმებიდან 5 (ხუთი) სამუშაო დღის განმავლობაში.
- 4.2. შესასყიდი საქონლის მიწოდების ადგილია - ქ.ზუგდიდი.
- 4.3. საქონლის მიწოდებას მიმწოდებელი უზრუნველყოფს საკუთარი ხარჯით.

5. ხელშეკრულების შესრულების კონტროლი

- 5.1 მიმწოდებლის მიერ აღებული ვალდებულებების ჯეროვნად შესრულების მიზნით ხელშეკრულების მიმდინარეობის ნებისმიერ ეტაპზე შემსყიდველი უფლებამოსილია განახორციელოს ხელშეკრულების შესრულების კონტროლი.
- 5.2 შემსყიდველის მხრიდან ხელშეკრულების შესრულების კონტროლს ახორციელებს: საჯარო სამართლის იურიდიული პირის „ეკონომიკური პროგრამების სააგენტოს“ პროგრამის შემუშავებისა და განხორციელების დეპარტამენტის უფროსი ჯანო ქირთაია და მონიტორინგისა და ანალიზის დეპარტამენტის უფროსი სპეციალისტი (ვეტსპეციალისტი) დარეჯან ჟორჟოლიანი (შემდგომში „ინსპექტირების ჯგუფი“).
- 5.3 ინსპექტირების ჯგუფის ფუნქციებია:
 - 5.3.1 გაუწიოს კონტროლი ხელშეკრულებით გათვალისწინებული საქონლის მიწოდების ვადების დაცვას;
 - 5.3.2 დაადგინოს მიწოდებული საქონლის შესაბამისობა ხელშეკრულებით გათვალისწინებულ მოთხოვნებთან;
 - 5.3.3 უზრუნველყოს სათანადო დასკვნის შედგენა მიმწოდებლის მიერ წინამდებარე ხელშეკრულებით ნაკისრი ვალდებულებების შესრულების თაობაზე.

6. საქონლის მიწოდების პირობები და ვადები

- 6.1 მიმწოდებელი იძლევა გარანტიას, რომ მიწოდებული საქონელი იქნება ნივთობრივად და უფლებრივად უნაკლო.
- 6.2 ვეტპრეპარატების ვარგისიანობის ვადა უნდა შეადგენდეს შენახვის მთლიანი ვადის არანაკლებ 80 პროცენტს.
- 6.3 ვეტპრეპარატები უნდა იყოს (დანართი N1-ტექნიკური დავალება) აღწერილი მონაცემების შესაბამისი.
- 6.4 პრეპარატის ეტიკეტზე ქართულ ან/და ინგლისურ ან/და რუსულ ენებზე მითითებული უნდა იყოს მინიმუმ შემდეგი სახის ინფორმაცია: დოზის რაოდენობა, დასახელება, მოცულობა, სხვადასხვა სახეობის ცხოველებისათვის რეკომენდირებული დოზირება, გამოშვების თარიღი და ვარგისიანობის ვადა ან/და ვარგისიანობის ამოწურვის თარიღი, შემცველი სეროტიპები, სერიის ნომერი, შენახვის პირობები, ხოლო ყუთზე ქართულ ან/და ინგლისურ ან/და რუსულ ენებზე მითითებული უნდა იყოს შემდეგი სახის ინფორმაცია: მწარმოებელი კომპანია, მწარმოებელი ქვეყანა, პრეპარატის დასახელება, ყუთში არსებული რაოდენობა, გამოშვების თარიღი და ვარგისიანობის ვადა ან/და ვარგისიანობის ამოწურვის თარიღი, შემცველი სეროტიპები, სერიისნომერი, შენახვის პირობები;
- 6.5 პრეპარატის ტრანსპორტირება უნდა განხორციელდეს თერმოყუთებით (თერმულად იზოლირებული გადასაზიდი კონტეინერი, დამზადებულია თერმული საიზოლაციო მასალისაგან, რომელსაც აქვს უნარი გარკვეული დროის განმავლობაში შეინარჩუნოს სათანადო ტემპერატურა), რომელიც პრეპარატის მიღების შემთხვევაში რჩება შემსყიდველთან.

- 6.6 მოწოდების მონენტში პრეპარატები უნდა იყოს საქართველოში რეგისტრირებული;
- 6.7 პრეპარატების მიწოდების ადგილზე დაცლა-დასაწყობება წარმოადგენს მიმწოდებლის ვალდებულებას;
- 6.8 ვეპრეპარატების მოწოდებისას თან უნდა ახლდეს: საქართველოში რეგისტრაციის დამადასტურებელი დოკუმენტი და პრეპარატის ინსტრუქცია.
- 6.9. პრეპარატს გავლილი უნდა ჰქონდეს წარმოებისა და ხარისხის კონტროლი, რომელიც უნდა შეესაბამებოდეს ცხოველთა ჯანდაცვის მსოფლიო ორგანიზაციის OIE სადიაგნოსტიკო ტესტებისა და პრეპარატის სახელმძღვანელო, და ევროპული ფარმაცოპეის სტანდარტებს;
- 6.2 საქონლის მიღების ან/და საბოლოო შემოწმების შედეგად გამოვლენილი დეფექტის ან ნაკლის აღმოჩენის შემთხვევაში, მიმწოდებელი ვალდებულია შემსყიდველის მიერ წერილობითი მოთხოვნიდან გონივრულ ვადაში განახორციელოს წუნდებული საქონლის შეცვლა შემსყიდველის მხრიდან რაიმე დამატებითი დანახარჯის გაწევის გარეშე.
- 6.3 შემსყიდველ ორგანიზაციას უფლება აქვს უარი განაცხადოს წუნდებული საქონლის მიღებაზე.

7. საქონლის მიღება-ჩაბარების წესი

- 7.1 მიმწოდებლის მიერ მიწოდებული საქონელი ჩაითვლება მიღებულად მიღება-ჩაბარების აქტის გაფორმების საფუძველზე.
- 7.2 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.
- 7.3 მიღება-ჩაბარების აქტი დგება საქონლის მიწოდების დასრულების შემდეგ, ინსპექტირების დასკვნის საფუძველზე, წერილობითი ფორმით, მხარეთა უფლებამოსილი წარმომადგენლების ხელმოწერით.
- 7.4 შემსყიდველის მხრიდან მიღება-ჩაბარების აქტზე ხელმომწერი პირია ახორციელებს: საჯარო სამართლის იურიდიული პირის „ეკონომიკური პროგრამების სააგენტოს“ პროგრამის შემუშავებისა და განხორციელების დეპარტამენტის უფროსი ჯანო ქირთაია.
- 7.5 საქონლის მიღება და საბოლოო შემოწმება ხდება საქონლის მიწოდების ადგილზე.

8. ანგარიშსწორების პირობები და ვადები

- 8.1. ანგარიშსწორება განხორციელდება უნაღდო ანგარიშსწორების წესით, ფაქტიურად სრულად მიწოდებული საქონლის შესაბამისად გაფორმებული მიღება-ჩაბარების აქტის და საქართველოს კანონმდებლობით გათვალისწინებული შესაბამისი საგადასახადო დოკუმენტაციის წარდგენიდან 10 (ათი) სამუშაო დღის ვადაში.
- 8.2. შემსყიდველი უფლებამოსილია, მიმწოდებლის მიერ შემსყიდველისათვის ხელშეკრულებით გათვალისწინებული (მიღება-ჩაბარების აქტის შესაბამისი) ნებისმიერი ასანაზღაურებელი თანხა (ასეთის არსებობის შემთხვევაში) გამოქვითოს შემსყიდველსა და მიმწოდებელს შორის გაფორმებული ნებისმიერი ხელშეკრულებიდან წარმოშობილი და მიმწოდებელზე ვადამოსული გადასარიცხი თანხიდან.
- 8.3. საქართველოს კანონმდებლობით გათვალისწინებული ყველა გადასახადის და გადასახდელის გადახდაზე პასუხისმგებელია მიმწოდებელი.

9. მხარეთა უფლება-მოვალეობანი

- 9.1 შემსყიდველი და მიმწოდებელი მოქმედებს „სახელმწიფო შესყიდვების შესახებ“ საქართველოს კანონის მოთხოვნათა სრული დაცვით.
- 9.2 შემსყიდველი უფლებამოსილია:
- 9.2.1 განახორციელოს ზედამხედველობა მიმწოდებლის მიერ ხელშეკრულების პირობების დაცვაზე;
- 9.2.2 ხელშეკრულებით გათვალისწინებული ვადების დარღვევის შემთხვევაში მიმწოდებლისაგან მოითხოვოს პირგასამტეხლოს გადახდა ხელშეკრულებით გათვალისწინებული ოდენობის შესაბამისად;
- 9.3 შემსყიდველი ვალდებულია:
- 9.3.1 მიიღოს მოთხოვნილი საქონელი;
- 9.3.2 მოახდინოს მიმწოდებელთან ანგარიშსწორება წინამდებარე ხელშეკრულებით გათვალისწინებული წესების შესაბამისად;
- 9.3.3 განახორციელოს ამ ხელშეკრულებით მასზე დაკისრებული სხვა ვალდებულებები;
- 9.4 მიმწოდებელი უფლებამოსილია:
- 9.4.1 მოითხოვოს შემსყიდველისგან მიწოდებული საქონლის ღირებულების ანაზღაურება ხელშეკრულებით გათვალისწინებული პირობების შესაბამისად;
- 9.4.2 ანგარიშსწორების ვადის დარღვევის შემთხვევაში შემსყიდველისაგან მოითხოვოს პირგასამტეხლოს გადახდა ხელშეკრულებით გათვალისწინებული ოდენობის შესაბამისად;
- 9.5 მიმწოდებელი ვალდებულია:
- 9.5.1 მიაწოდოს შემსყიდველს ნივთობრივად და უფლებრივად უნაკლო საქონელი;
- 9.5.2 საქონლის მიწოდება განახორციელოს წინამდებარე ხელშეკრულების მე-4 მუხლში მოცემული პირობების შესაბამისად;
- 9.5.3 უზრუნველყოს ახალი კორონავირუსის გავრცელების აღკვეთის მიზნით გასატარებელი ღონისძიებების დამტკიცების შესახებ“ საქართველოში მოქმედი ნორმების მოთხოვნათა დაცვა;
- 9.5.4 უზრუნველყოს შრომის უსაფრთხოების კანონმდებლობით დადგენილი პირობებისა და მოთხოვნების ზედმიწევნით შესრულება;
- 9.5.5 განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე. აგრეთვე, დაუყოვნებლივ განახორციელოს ქმედებები აღმოჩენილი ხარვეზის გამოსწორებისათვის;
- 9.5.6 შემსყიდველს უმოკლეს ვადაში აცნობოს მისი ორგანიზაციის მოსალოდნელი რეორგანიზაციის ან/და ლიკვიდაციის შესახებ;
- 9.5.7 განახორციელოს ამ ხელშეკრულებით მასზე დაკისრებული სხვა ვალდებულებები.

10. ხელშეკრულებაში ცვლილებების შეტანა

- 10.1 ხელშეკრულების დამდებ არც ერთ მხარეს უფლება არ აქვს ცალმხრივად შეცვალოს ხელშეკრულების პირობები.
- 10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 10.3 დაუშვებელია ნებისმიერი ცვლილება, რომელსაც მოჰყვება ხელშეკრულების ღირებულების გაზრდა ან შემსყიდველისათვის პირობების გაუარესება, გარდა საქართველოს სამოქალაქო კოდექსის 398-ე მუხლით დადგენილი შემთხვევისა.

10.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

10.5 ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც თან დაერთვება ხელშეკრულებას და ჩაითვლება მის განუყოფელ ნაწილად.

11. ხელშეკრულების შეწყვეტა

11.1 ხელშეკრულება შეიძლება შეწყდეს:

11.1.1 მხარეთა წერილობითი შეთანხმებით;

11.1.2 ხელშეკრულების ვადის გასვლის გამო;

11.1.3 საქართველოს კანონმდებლობით ან/და ამ ხელშეკრულებით გათვალისწინებულ სხვა შემთხვევებში.

11.2 შემსყიდველი უფლებამოსილია ცალმხრივად შეწყვიტოს ხელშეკრულება (მთლიანად ან ნაწილობრივ), თუ:

11.2.1 მიმწოდებელი არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;

11.2.2 მიმწოდებელი სისტემატიურად ან/და უხეშად არღვევს ხელშეკრულების პირობებს;

11.2.3 მიმწოდებელი ხელშეკრულებით გათვალისწინებულ ან გაგრძელებულ ვადებში ვერ უზრუნველყოფს ხელშეკრულებით გათვალისწინებული ვალდებულებების შესრულებას;

11.2.4 მიმწოდებლის გაკოტრების შემთხვევაში;

11.2.5 საქართველოს კანონმდებლობით გათვალისწინებულ სხვა შემთხვევებში.

12. მხარეთა პასუხისმგებლობა

12.1 მხარეები იღებენ ვალდებულებას, აუნაზღაურონ მეორე მხარეს მათ მიერ წინამდებარე ხელშეკრულების შეუსრულებლობის ან არაჯეროვანი შესრულების შედეგად მიყენებული ზიანი, საქართველოს მოქმედი კანონმდებლობით განსაზღვრული წესით.

12.2 შემსყიდველი პასუხისმგებელია ხელშეკრულებით გათვალისწინებული ანგარიშსწორების ვადების დარღვევისათვის. ასეთი დარღვევის არსებობის შემთხვევაში, იგი ვალდებულია პირგასამტეხლოს სახით მიმწოდებელს გადაუხადოს ხელშეკრულების ღირებულების 0.02 პროცენტი ყოველი ვადაგადაცილებული დღისათვის.

12.3 მიმწოდებელი პასუხისმგებელია ხელშეკრულების გათვალისწინებული ვადების დარღვევისათვის. ასეთი დარღვევის არსებობის შემთხვევაში იგი ვალდებულია, პირგასამტეხლოს სახით შემსყიდველს გადაუხადოს ხელშეკრულების ღირებულების 0.02 პროცენტი ყოველი ვადაგადაცილებული დღისათვის.

12.4 ზემოაღნიშნული ვალდებულებების შესრულება არ ათავისუფლებს მიმწოდებელს ხელშეკრულებით ნაკისრი ვალდებულებების სრულად შესრულებისაგან.

13. ფორს-მაჟორი

13.1 მხარეები თავისუფლდებიან პასუხისმგებლობისაგან თუ ხელშეკრულებით ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობით ან/და მხარეები ხელშეკრულების შესრულების პროცესში წააწყდებიან ისეთ ხელშემშლელ გარემოებებს, რომელიც გამოწვეულია მათგან დამოუკიდებელი სხვა ობიექტური მიზეზებით. ასეთი ვითარების არსებობის შემთხვევაში ხელშეკრულების პირობების ან რომელიმე მათგანის მოქმედების შეჩერება არ იქნება

განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ფორს-მაჟორს მიეკუთვნება ბუნებრივი ხდომილებანი ან პოლიტიკური, სამხედრო, სამართლებრივი, შრომითი, სოციალური, საგანგებო და შეუქცევადი გარემოებები (დაუძლეველი ძალა), როგორიცაა ომი, სტიქიური მოვლენები, ეპიდემია და აშ.

13.3 მხარე, რომელიც ხელშეკრულების 13.1 პუნქტით გათვალისწინებული შემთხვევების გამო ვერ ასრულებს ხელშეკრულებით ნაკისრ ვალდებულებას, ვალდებულია დაუყოვნებლივ წერილობით აცნობოს მეორე მხარეს ვალდებულებების შეუსრულებლობის გამომწვევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან გონივრულ ვადაში წარმოადგინოს ფორს-მაჟორული ან/და სხვა ხელშემშლელი გარემოებების დამადასტურებელი დოკუმენტი შესაბამისი კომპეტენტური ორგანოდან, რომელიც დაადასტურებს წერილში მოყვანილ გარემოებებს.

13.4 ფორს-მაჟორული ან/და სხვა ხელშემშლელი გარემოებების დადგომის შემთხვევაში თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

13.5 ხელშეკრულების 13.3 პუნქტით გათვალისწინებული პირობების დაცვის შემთხვევაში მხარეები უფლებამოსილნი არიან გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და ვადამდე შეწყვიტონ ხელშეკრულების მოქმედება.

14. დავების გადაწყვეტა

14.1 მხარეთა შორის წინამდებარე ხელშეკრულებიდან გამომდინარე ნებისმიერი დავა გადაწყდება ურთიერთშეთანხმების გზით. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს მოქმედი კანონმდებლობით დადგენილი წესის შესაბამისად.

15. ხელშეკრულების სხვა პირობები

15.1 ხელშეკრულების არც ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

15.2 ამ ხელშეკრულებით გაუთვალისწინებელი საკითხები განისაზღვრება საქართველოს მოქმედი კანონმდებლობის შესაბამისად.

15.3 ხელშეკრულება შედგენილია ქართულ ენაზე ელექტრონულად, დადასტურებულია კვალიფიციური ელექტრონული ხელმოწერით ან/და ელექტრონული შტამპით და ინახება ხელშეკრულების მონაწილე მხარეებთან.

16. ხელშეკრულების მოქმედების ვადა

16.1 ხელშეკრულება ძალაშია მისი ხელმოწერის დღიდან და მოქმედებს 2022 წლის 31 დეკემბრის ჩათვლით.

17. მხარეთა რეკვიზიტები

შემსყიდველი

სსიპ „ეკონომიკური პროგრამების
სააგენტო“
ს/კ 249251134
მის: ქ. თბილისი, თამარაშვილის 15ა
ტელ: 2391491
სახელმწიფო ხაზინის ერთიანი ანგარიში
TRESGE22

სააგენტოს თავმჯდომარის მოადგილე
ლევან გუჯეჯიანი

მიმწოდებელი

შპს „როქი“
ს/კ 206271755
მის: თბილისი, ქეთევან წამებულის #91
მოპირდაპირე მხარე
ტელ : 2746394
ს/ს "პროკრედიტ ბანკის"
ცენტრ.ფილიალი
ბ/კ: MIBGGE22
ა/ა GE48PC0263600100008288

დირექტორი
დავით ბოსტაშვილი

№	შესყიდვის ობიექტის დასახელება	შემოთავაზებული შესყიდვის ობიექტის დანიშნულება, ძირითადი მახასიათებლები და შემადგენლობა	განზომილება	რაოდენობა	წარმოშობის ქვეყანა	მწარმოებლის დასახელება	მიწოდების ვადა და ადგილი
1	2	3	4	5	6	7	
1	ალბექსი 600 #300 ტაბ _ (1)	შიდა პარაზიტების საპროფილაქტიკო და სამკურნალო ანტიჰელმინთური საშუალება, 1 აბი შეიცავს 600 მგ. ალბენდაზოლს	ფლაკონი	84	საქართველო	ბიოტექსი	
2	ბიოზანი 900 300 აბიანი _ (1)	ფართო სპექტრის შიდა პარაზიტების საწინააღმდეგო ანტიჰელმინთური პრეპარატი, ოქსიკლონიდი 600მ გ. ოქსფენდაზოლი 300 მგ.	ფლაკონი	17	საქართველო	ბიოტექსი	
3	ექტოციდოლი 600_ 4მლ _ (1)	შინაური მსხვილფეხა და წვრილფეხა პირუტყვის გარე პარაზიტების საწინააღმდეგო ინსექტოაკარიციდული საშუალება, 1 მლ. შეიცავს 600 მგ. დიაზინონს	ამპულა	1400	საქართველო	ბიოტექსი	
4	იოდოფორმის პუდრი	ანტისეპტიკური/ანტიბიოტიკური საშუალება, ჭრილობების დამუშავებისთვის იოდოფორმი, ბორის მჟავა, ოქსიტეტრაციკლინი, სტრეპტოციდი	ცალი	7	საქართველო	ბიოტექსი	
5	კოფეინ-ნატრიბენზოატის ხსნარი 20% 10 მლ _ (1)	ცენტრალური ნერვული სისტემის მასტიმულირებელი და საგულე საშუალება 80,0 ნატრი ბენზოატი 120,0	ამპულა	100	უკრაინა	ბროვფარმა	
6	მასტიკლოქსი - ზეტ.სუსპ.10მლ. პოლიეთ.ერთჯერადი შპრიცი _ (1)	მსხვილფეხა და წვრილფეხა პირუტყვის ქრონიკული და მწვავე მასტიტების სამკურნალო ანტიბაქტერიული საშუალება ამოქსაცილინი, კლოქსაცილინი	ცალი	40	საქართველო	ბიოტექსი	
7	ოქსიტეტრაციკლინი 200 50მლ-იანი	შინაური ცხოველების ინფექციურ დაავადებათა: ბრონხოპნევმონიის, კოლიბაქტერიოზისა და სალმონელოზის სამკურნალო პრეპარატი 1 მლ. შეიცავს ოქსიტეტრაციკლინის დიჰიდრატს 200 მგ	ცალი	540	ესპანეთი	ლივისტო	
8	პიროტეკს პლიუსი B12+ B6 2.36 გრ	ცხოველთა სისხლის პარაზიტის საწინააღმდეგო საშუალება 1 გრ. შეიცავს დიმიწაზინ-დიაცეტურატი-444.3 მგ. ფენაზონი 555.3მგ. ვიტამინ -B12-0.4მგ	ცალი	300	საქართველო	ბიოტექსი	
9	რაქმა H.S.+B.Q_90მლ (1)	მსხვილფეხა რქოსანი პირუტყვის, კამეჩის და ხბორების ჰემორაგიული სეპტიცემიის და ემფიზემური კარბუნკულის საწინააღმდეგო ინაქტივირებული ვაქცინა ყოველი დოზა (3 მლ) შეიცავს ჰემორაგიული სეპტიცემიის და ემფიზემური კარბუნკულის ანტიგენს	ფლაკონი	70	ინდოეთი	ინდიან იმონოლოგიკალ	
10	სულტრიმი 480 N100	ყველა სახის შინაური ცხოველებისათვის მგძნობიარე მიკროორგანიზმების საწინააღმდეგო საშუალება 1 აბი შეიცავს 400 მგ. სულფამეტაქსოზალს, და 80 მგ. ტრიმეტოპრიმს.	ფლაკონი	150	საქართველო	ბიოტექსი	

ხელშეკრულების გაფორმებიდან 5 სამუშაო დღეში. ზუგდიდის მუნიციპალიტეტი

11	ტეტანუსის შრატი _ (1)	ვეტერინარული მიზნებისათვის; გაშეშების გადაუდებელი საპროფილაქტიკო სამკურნალო შრატი (ანეიტრალებს გაშეშების ტოქსინს) . ცხენის სისხლის შრატი შეიცავს სპეციფიკურ იმუნოგლობულინებს.	ამპულა	120	საქართველო	იმუნოგელი
12	ქაფურის მალამო 20 გრ _ (1)	ყველა სახის შინაური ცხოველების გარეგანი გამოყენების ანთებისა და მასტიტების სამკურნალო პრეპარატი შეიცავს 2გრ. ქაფურის ფხვნილს	ფლაკონი	70	საქართველო	ბიოტექსი
13	შხამას ნაყენი 10 მლ _ (1)	ცოხნის აღსადგენად, წინაკუჭების ჰიპოტონიისა და ატონიის, ფაშვის, ტიმპანიისა და პარეზის, ამოსაცოხნი საშუალება, ღორებსა და ძაღლებში ამოსადებიანებული საშუალება. 1მლ შეიცავს შხამას ფესვების ექსტრაქტს 100მგ	ფლაკონი	326	საქართველო	ბიოტექსი
14	ჩემისპრეი 200 მლ _ (1)	მიკრობსაწინააღმდეგო კომბინირებული საშუალება 1 მლ. პრეპარატი შეიცავს ქლორამფენიკოლს 25 მგ. გენციანვიოლეტს 1მგ	ფლაკონი	140	ესპანეთი	ლივისტო

"შემსყიდველი"

"მიმწოდებელი"

ფასების ცხრილი

დანართი №2

№	CPV კოდი	საქონლის დასახელება	განზომილების ერთეული	რაოდენობა	ერთეულის ფასი (ლარი)	საერთო ღირებულება (ლარი)
1	2	3	6	7	8	9
1	33651690	ალბექსი 600 #300 ტაბ _ (1)	ფლაკონი	84	38,5	3234
2		ბიოზანი 900 300 აბიანი _ (1)	ფლაკონი	17	58	986
3		ექტოციდოლი 600_ 4მლ _ (1)	ამპულა	1400	0,38	532
4		იოდოფორმის პუდრი	ცალი	7	4,75	33,25
5		კოფეინ-ნატრიბენზოატის ხსნარი 20% 10 მლ _ (1)	ამპულა	100	0,9	90
6		მასტიკლოქსი -ზეტ.სუსპ.10მლ. პოლიეთ.ერთჯერადი შპრიცი _ (1)	ცალი	40	1,5	60
7		ოქსიტეტრაციკლინი 200 50მლ-იანი	ცალი	540	12,4	6696
8		პიროტეკს პლიუსი B12+ B6 2.36 გრ	ცალი	300	1,85	555
9		რაქმა H.S.+B.Q_90მლ (1)	ფლაკონი	70	33,45	2341,5
10		სულტრიმი 480 N100	ფლაკონი	150	10,179	1526,85
11		ტეტანუსის შრატი _ (1)	ამპულა	120	5	600
12		ქაფურის მალამო 20 გრ _ (1)	ფლაკონი	70	1,35	94,5
13		შხამას ნაყენი 10 მლ _ (1)	ფლაკონი	326	1,15	374,9
14		ჩემისპრეი 200 მლ _ (1)	ფლაკონი	140	13,4	1876
სულ ჯამი დღგ-ს გათვალისწინებით:						19000,00

"შემსყიდველი"

"მიმწოდებელი"